

HITZ ETA PITZ

**JULEN GUERRERO** (Athletic)

«Datozen bi partiduetan aukera ona dugu urtea ondo amaitzeko»

**ALEX FERNANDEZ** (Osasuna)

«Alfredo eta nik burua argi dugu, eta Numanciaren aurka jokatzeko prest gaude»

**JAVIER CLEMENTE** (Olympique)

«Marseillan zaleen babesa badaukat, eta horren falta nabaritu nuen Donostian»

MOTZEAN

Albistegi Martin Gonzalezekin mintzatu zen atzo Taxoaren

Alberto Albistegi, Realeko eta Alaveseko jokalaria ohia, Taxoaren izan zen atzo. Albistegi jokalaria behatzen aritzen da, Bergara eta Uriarte ordezkariatzat (Khoklov Realera ekarri zutenak). Azken egunetan Osasunaren eskaintza jaso duen jokalaria brasildarrekin negoziatzen ari dira bi ordezkari horiek.

LESIOAK

Athletic. Alkortak ez zuen parte hartu atzoko entrenamenduan eta asteazkenean ere jai izan zuen, Kopako partiduan. Ustez, ez du arazorik izango Valladoliden aurka jokatzeko. Joseba Etxeberria jokatu ezinda dago, orkatila bihurritu zuelako.

SIMAL
Rafa Alkorta.

Osasuna. Vidakovicek ez du gainditu abduktoreetan zuen gainkarga eta ez du jokatu. Aitor Ociok ere gainkarga du iskionaren eta tibien arteko giharrean, baina jokatzeko moduan izango da. Arponek eta Mateok orkatileko bihurritu arin bana zuten, baina prest daude.

ENTRENAMENDUAK

Alaves. Ibaian entrenatuko da, 11:00etan.

Reala. Anoetan ariko da, ateak itxita, 10:30ean.

Athletic. Lezaman entrenatuko da, 10:30etik aurrera, ateak itxita.

Osasuna. Taxoaren dauka saioa, 10:00etan.

LIGAKO PARTIDUAK

Alaves-Deportivo. Gaur, 21:00etan, Mendizorrotzan (ETB1).

Reala-Vila-real. Gaur, 20:15ean, Anoetan.

Valladolid-Athletic. Bihar 17:00etan, Nuevo Zorrillan.

Osasuna-Numancia. Bihar 17:00etan, Sadarren.

ATHLETIC. Donostiarrak ez du erraz izango hamaikakoan sartzea

Alkiza: «Berriro erritmoa hartzea ez da erraza»

Erdilariak zortzi hilabete daramatza partidu bat osorik jokatu barik

BASALDUA
Alkiza, taldekide artean, atzo Lezaman eginiko entrenamendu saioan.

Ramon Basaldua | BILBO

Bittor Alkizak ez du zorte handirik izan denboraldi hasiera honetan. Iragan udaberrian ebakuntza egin zioten, behatzean zuen lesioa osatzeko. Taldean sartzen hasi zenean, lesionatu egin zen Sorian, Numanciaren aurkako partiduan. Kontuak kontu, Bittor Alkizak hiru partidu baino ez ditu jokatu 2000-2001 denboraldian. «Ez dakit ziur zenbat denbora daramadan partidu bat osorik jokatu barik. Zazpi edo zortzi hilabete izango dira».

Hiru partidu bakarrik

Erdilari donostiarrak hasieratik jokatu zuen Gasteizko Aurreraren aurkako partiduan. Alkizak onartu egin digu erritmo falta duela oraindik. «Hainbeste denbora partidu bat osorik jokatu gabe egotea nabaritu egin da. Asteazkenean sentazioak ez ziren txarrak izan, baina konturatzen zara besteen erritmoa desberdina dela. Inoiz ez dut horren lesio luzea izan eta arraroa da niretzat. Berriro

AURREALDEA

Javi Gonzalez eskuinetik eta Yeste ezkerretik

Euskarri postuetarako lehiaz gain, ikusi egin beharko da zelan osatzen duen Txetxu Rojok erdialdea. Joseba Etxeberria lesionaturik dago eta litekeena da Javi Gonzalezek jokatzeko eskuin hegaletik, Tiko eta Larraizar baztertu barik. Fran Yeste eta Asier Del Horno dira hautagaiak ezker hegaletik jokatzeko. Bestalde, ikusteko dago Aitor Larrazabal deialdira itzultzen den Ligako azken partiduan zerrendatik kanpo geratu ondoren.

lehiaketako erritmoa hartzea ez da batere erraza.

Alkizak berriz bihurritu zuen orkatila Aurreraren aurkako partiduan. Hala ere, ez du handituta eta jokalariai berak esan

du prest dagoela Valladoliden aurka jokatzeko.

Arazo fisikorik ez badu ere, Alkizak aurkari ugari ditu hasierako hamaikakorako borrokan. Txetxu Rojok Oscar Vales eta Pablo Orbaiz jarri zituen euskarri lanetan Oviedoren aurkako norgehiagokan, aurreko sei partiduetan hasieratik jokatu zuten Josu Urrutia eta Felipe Gurendez zigortuta zeudelako.

Urrutiak eta Felipek dagoneko bete dute partidu bateko zigorra eta jokatzeko prest daude. Pablo Orbaiz eta Bittor Alkiza ere erreuperatuta daudela kontuan izanda, ikusi egin beharko da zein bikote zelairatzen duen Txetxu Rojok. Josu Urrutia hamaikakoan izango dela segurutzat jotzen badugu, Alkiza, Orbaiz eta Felipearen artean dago bigarren lekua. Gainera, Oscar Vales ez da baztertu behar, are gutxiago Kopako partiduan lan txukuna egin zuela ikusita.

Bittor Alkizarentzat Ligako hurrengo bi partiduak oso garrantzitsuak dira. «Bi garaipen eskuratuta sailkapeneko goialdean sartuko ginateke».

OSASUNA

Numanciaren aurka Rosado hasieratik ariko dela baieztatu zuen atzo Lotinak

Asier Legarda-ereño | IRUÑA

Miguel Angel Lotinak berebiziko garrantzia eman zion atzo Numanciaren aurkako partiduari, «derri gorrezkoa baita Sadarreko lehen garaipena lortzea»; «Aurkari zuzena dugu eta ez da Osasuna baino indartsuagoa».

Meñakako entrenatzailearen ustez, «Liga amaierarako oraindik partidu asko geratzen diren arren, taldea kasik Lehen Mailan mantentzea jokatzeko ariko da» bihar. Horregatik, denboraldi honetan lehendabiziko aldiz etxean partidu bat irabazi ahal izateko, zenbait aldaketa egingo dituela aurreratu zuen Lotinak.

Berritasun nagusiak aurrealdean izango dira, «Numanciak aprobeztatu beharreko arazoak baititu atzealdean». Ivan Rosado hamaikakoan izango da. Aurrelari andaluziarrak ez du oraindik Sadarren hasieratik jokatzeko aukerarik izan, baina Mallorcan partidu txukuna eta gol bat egin ostean hamaikakoan izango dela baieztatu zuen atzo Lotinak. Haren ondoan nork jokatu duen ez zuen argitu, ordea. Orain artean Sabino hasieratik jokatu du partidu guztietan, baina Lotinak «postu horretarako zailak» dituela aitortu zuen atzo. Bestalde, zailtzarik ez duela esan arren, Lotinak ez zuen argitu atepean Nuno ala Sanzol izango den.

Miguel Angel Lotinarentzat, «partidu berezia da», lau urtez han egon ostean Soriako zaleek eta klubak «asko» maite dutela erakutsi baitiote. Hala ere, garrantzitsuena lehenbailehen zulotik irtetea dela esan zuen Lotinak, eta aste honetan hainbat zeresan eragin duten Alexek eta Alfredok ere «beste taldekideek hainbeste aukerak» dituztela adierazi zuen.